



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLXXIX. Ioannis Papae VIII. Ad Carolvm Imperatorem. Gratulatur
de eius incolumitate. gaudet ipsum aduenturum esse statim in Italiam.
hortatur vt mature Romanae ecclesiae auxilio veniat, & ...

urn:nbn:de:hbz:466:1-15967

EPISTOLA CCLXXIX.

IOANNIS PAPÆ VIII.
AD CAROLVM IMPERATOREM.

Gratulatur de eius incolumentate. gaudet ipsum aduentum esse statim in Italiā. hortatur ut mature Romanæ ecclesiæ auxilio veniat, & Guidonem prædatorem ab ecclesiæ finibus eiici iubeat.

Carolo imperatori.

COGNOSCENTES de vestra incolumentate, quod opido videbamus, Deo gratias egimus, & ut magis ac magis prosperitatibus, & innumeris gaudiis fulciamini, maiestatem diuinam supplicibus votis omnimodo flagitauimus, scientes & multis experimentis discentes, quod vos eadem vultis, eadem quippe desideratis. quoniam si nostra mediocritas viguerit, & valuerit illa vos facturos hortabitur, unde & sanctæ Romanæ ecclesiæ matris vestræ defensio augmentabitur, & vobis copiosa merces in cælo in perpetuum reponetur. Quod autem dicitis, ut postpositis ceteris curis, iter vestrum in Italiā recto itinere ordinatum habeatis; grato animo suscepimus, & ut vtinam non solum Papiae, verum etiam proprius essetis, necessitas maxima depositit. Ideoque quod cœpistis, cum Dei adiutorio, velociter vestra sublimitas perficere studeat; & ad defensionem, imo securitatem sanctæ matris vestræ Romanæ ecclesiæ, sicut dixistis, ceteris curis postpositis, mente & brachio potenter occurrat: quia quantis affligatur & conculcetur angustiis, iam dicere non valemus. Ceterum de Vvidone Rabia, inuasore scilicet, & rapaci, vestra gloria subueniat, & eum de finibus nostris, ut aliquantulum populus noster releuari valeat, eiicere modis omnibus iubatis. Data III. Idus Nouembris.